

Arkiv: <arkivID><jpID> FE-
232, TI-&13
JournalpostID:
Sakshandsamar:
Dato: 07.12.2022

Saksframlegg

Saksnr.	Utval	Møtedato
171/22	Alver kommunestyre	15.12.2022

Høyring - grunnrenteskatt på havbruk

Kommunedirektøren sitt framlegg til vedtak:

- Saka blir lagt fram til politisk drøfting.

Alver kommunestyre 15.12.2022:

Handsaming:

Framlegg frå O.S.Namtveit-SP og N.Bognøy-AP:

Eit berande prinsipp i norsk forvalting og utnytting av våre felles naturressursar har alltid vore at eigarane og dei som vert råka av inngrep i naturen skal ha noko att for det. Når det gjeld havbruk er alle eigarar, medan dei kommunar der anlegga er plassert yter meir enn andre. Såleis er det god grunngjeving for at dei som utnyttar denne ressursen gjev noko attende. Alver kommune er vertskommune for oppdrettsanlegg. Kommunestyret meiner at fellesskapen skal få tilbake meir av verdiane som vert skapt frå våre felles naturressursar. Ein grunnrenteskatt vil bety at ein større del av overskotet i oppdrettsnæringa går til fellesskapet og sikrar verksemd og verdiskaping i mange lokalsamfunn langs vår lange kyst.

Innretninga på grunnrenteskatten må utformast slik at fylgjande tilhøve vert ivaretatt:

Mangfold, norsk eigarskap, føreseielege rammevilkår og verdiskapinga i heile landet

Små og mellomstore selskap må i hovudsak skjermast

Vertskommunane må få ein større del av inntektene enn no og lokalsamfunnna (kommunane) må totalt sitja att med meir enn halvparten av inntektene

Det må leggjast til rette for at det framleis vil vera lønsamt å investera innan alle deler av oppdrettsnæringa.

Kommunestyret registerer debatten om kva prising som skal leggjast til grunn for utrekning av grunnrenteskatt og meiner reell pris må leggjast til grunn.

Havbruksnæringa er ei viktig næring for kommunen og regionen. Kommunestyret meiner innføringa av grunnrenteskatt må vere føreseieleg for næringa, kommunar og anna verksemd knytt til næringa, dette innbefattar òg utdanningsinstitusjonar som utdannar fagkompetanse både yrkesfagleg og høgare utdanning til næringa.

Framlegget vart vedteke med 26 røyster, mot 16 røyster (N.Øvreås-FRP, C.Håland-H, H.Fyllingsnes-H, I.Fjeldsbø-H, K.Murberg-H, N.M.Aadland-H, Ø.Bratshaug-H, S.Røskeland-H, A.Hetlebakke-KRF, A.Byrknes-KRF, M.Andvik-KRF, S.Lavik-KRF, A.I.Solheim-FRP, M.Færø-uavh., S.Hopland-uavh. og T.Sletten-Hansen-uavh.)

Framlegg frå A.Byrknes-KRF:

Kommunestyret stiller seg positiv til at det vert innført ei grunnrenteskatt på havbruk, men vil presisere følgjande:

Prosesen med denne saka har vore därleg og svært utfordrande å ta stilling til for næringa. Statsbudsjettet blei vedteke 1.12.22 med innføring av grunnrenteskatt frå 1.1.23 dette før høyringa er ferdig og tilbakemeldinger frå næringa og andre intresentar er gitt.

Kommunestyret meiner saka er så prinsipiell at det skulle vore nedsatt eit lovutval med representanter frå organisasjonane, næringa og stat/departementet der bla innretninga burde vore klar før innføring for å finne bærekraftige løysingar med grunnrenteskatten.

Framlegget vart vedteke med 27 røyster, mot 15 røyster (N.Øvreås-FRP, C.Håland-H, H.Fyllingsnes-H, I.Fjeldsbø-H, K.Murberg-H, N.M.Aadland-H, Ø.Bratshaug-H, S.Røskeland-H, S.Lavik-KRF, L.Johnsen-MDG, M.Greve-MDG, A.Nordlund-SV, M.Færø-uavh., S.Hopland-uavh. og T.Sletten-Hansen-uavh.)

Framlegg frå N.M.Aadland-H og I.Fjeldsbø-H:

Forslag om grunnrenteskatt for havbruk må skrinleggjast. Næringa sin kompensasjon til samfunnet for bruk av sjøareal, kan som i dag baserast på betaling av vederlag for ny konsesjonskapasitet, produksjonsavgift og eventuelt ei form for arealleige.

Framlegget fekk 13 røyster og fall, mot 29 røyster (A.G.Eide-AP, A.Sylta-AP, K.Floen-AP, N.Bognøy-AP, Ø.Oddekalv-AP, P.I.Hopland-AP, T.Skurtveit-AP, A.K.Eknes-KRF, A.Hetlebakke-KRF, A.Byrknes-KRF, E.M.Dale-KRF, J.Romarheim-KRF, M.Andvik-KRF, L.Johnsen-MDG, M.Greve-MDG, L.Bjørge-SP, L.Taule-SP, L.van der Kooij-SP, M.B.Gjerde-SP, M.I.Wergeland-SP, O.S.Namtveit-SP, S.Sekkingstad-SP, T.Helland-SP, V.Villager-SP, A.Nordlund-SV, H.Breivik-uavh., K.O.Larsen-uavh., M.Klementsen-uavh. og S.Toft-V)

KO- 171/22 Vedtak:

Eit berande prinsipp i norsk forvalting og utnytting av våre felles naturressursar har alltid vore at eigarane og dei som vert råka av inngrep i naturen skal ha noko att for det. Når det gjeld havbruk er alle eigarar, medan dei kommunar der anlegga er plassert yter meir enn andre. Såleis er det god grunngjeving for at dei som utnyttar denne ressursen gjev noko attende. Alver kommune er vertskommune for oppdrettsanlegg. Kommunestyret meiner at fellesskapen skal få tilbake meir av verdiane som vert skapt frå våre felles naturressursar. Ein grunnrenteskatt vil bety at ein større del av overskotet i oppdrettsnæringa går til fellesskapet og sikrar verksemd og verdiskaping i mange lokalsamfunn langs vår lange kyst.

Innretninga på grunnrenteskatten må utformast slik at følgjande tilhøve vert ivaretatt:

Mangfold, norsk eigarskap, føreseielege rammevilkår og verdiskapinga i heile landet

Små og mellomstore selskap må i hovudsak skjermast

Vertskommunane må få ein større del av inntektene enn no og lokalsamfunna (kommunane) må totalt sitja att med meir enn halvparten av inntektene

Det må leggjast til rette for at det framleis vil vera lønsamt å investera innan alle deler av oppdrettsnæringa.

Kommunestyret registrerer debatten om kva prising som skal leggjast til grunn for utrekning av grunnrenteskatt og meiner reell pris må leggjast til grunn.

Havbruksnæringa er ei viktig næring for kommunen og regionen. Kommunestyret meiner innføringa av grunnrenteskatt må vere føreseieleg for næringa, kommunar og anna verksemd knytt til næringa, dette innbefattar òg utdanningsinstitusjonar som utdannar fagkompetanse både yrkesfagleg og høgare utdanning til næringa.

Kommunestyret stiller seg positiv til at det vert innført ei grunnrenteskatt på havbruk, men vil presisere følgjande:

Prosessen med denne saka har vore dårlig og svært utfordrande å ta stilling til for næringa. Statsbudsjettet blei vedteke 1.12.22 med innføring av grunnrenteskatt frå 1.1.23 dette før høyringa er ferdig og tilbakemeldinger frå næringa og andre intresentar er gitt.

Kommunestyret meiner saka er så prinsipiell at det skulle vore nedsatt eit lovutval med representanter frå organisasjonane, næringa og stat/departement der bla innretninga burde vore klar før innføring for å finne bærekraftige løysingar med grunnrenteskatten.

Kva saka gjeld:

- I denne saka skal Alver kommune gje ein uttale til høyringa om grunnrenteskatt på havbruk. Høyringsfristen er 4. januar 2023.

Saksutgreiing

Bakgrunn og fakta

Finansdepartementet har sendt ut ei høyring på forslag om å innføre grunnrenteskatt på havbruk med verknad frå 1. januar 2023. Høyringsfristen er 4. januar 2023.

Forslaget omfattar produksjon av laks, ørret og regnbueørret og inneber at grunnrenta skal skatteleggjast med ein effektiv sats på 40 prosent. Det er foreslått at reglane blir utforma slik at berre dei største aktørane vil betale grunnrenteskatt. Det skal skje ved at det blir føreslått eit botnfrådrag på mellom 4000 til 5000 tonn, tilsvarende høvesvis 54 og 67,5 mill kr. Botnfrådrag vil gjelde alle aktørar. Det blir føreslått vidare at skatten blir utforma som ein kontantstraumsskatt, det vil seie at inntekter og investeringar blir skattlagt løpande i det året dei blir opptjent. Ein sentral del av forslaget er at lokalsamfunn som stiller naturressursar til disposisjon, skal sikrast ei del av grunnrenteinntekta.

Vurdering

Alver kommune er med i Nettverk Fjord- og kystkommunar, deira uttale til høyringa er lagt ved saka. Elles legg kommunedirektøren saka fram til politisk drøfting.

Vedlegg i saken:

08.12.2022	høringsnotat - grunnrenteskatt på havbruk	1848175
08.12.2022	20221125 Høringsuttalelse grunnrenteskatt_nettverk NFKK	1848174